

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Vindicatio Augustanae Confessionis ab impactis ipsi, a Roberto Cardinale Bellarmino, per summam iniuriam, libello cui iudicii de formula concordiae titulum fecit, viginti & duobus mendaciis

**Titius, Gerhard
Besecenius, Stephan**

Helmestadi[i], 1656

Mendacium XVII.

[urn:nbn:de:bsz:31-67740](#)

statutum earum, quae se Christo dicaverant : Christus, inquit, Dominus & judex noster, cum virginem suam sibi dicatam cum altero jacere cernit, quam indignatur & irascitur, & quas penas incestis ejusmodi conjunctionibus comminatur ! Resp. hanc meram impudentiam esse. Textus inspectus statim docet, per incestas conjunctiones S. Martyrem non conjugium, quod virginibus illis incontinentibus ibi ineundum suadet, sed clancularias illas & illicitas, de quibus initio epistolæ loquebatur commixtiones intelligere.

III. Quia, cum Cyprianus sub disjunctione loquatur, & dicat, si perseverare nolunt aut non possunt, si tum de iis loquerebatur, quae continentiam promiserunt, videretur velle dicere licitum esse iis, pro arbitrio vota violare, si tantum nolint perseverare, etiam si possint, quod certè nemo sanus admittet. Hoc vult, si Cyprianus de virginibus quales nos ponimus loquatur, videri ita dicere, si vel non possint continere, aut etiam, si saltem nolint, melius esse ut nubant. At hoc indignum esse sancto Cypriano, nempe, ut statuerit si saltem nolit aliqua virgo perseverare, statim ei melius esse ut nubat. Resp. Cyprianum per illud nolle, non temerarium quodvis nolle, sed tale intelligere, quod ab explorata continendi impotentiā in animo sit subortum. Aut etiam, possunt verba ejus sic accipi, ut illud non posse sit quasi ἐπανόρθωσις prioris τοῦ nolle, hunc in modum; si nolint, vel rectius, non possint se continere, melius esse ut nubant &c.

Argumentis jam discussis, subjungit duas conjecturas. Sed quia textus Cypriani clarior est, quam ut sophistis Bellarmini nebulis obscurari potuerit, ne responsione quidem eas dignabimur.

MENDACIUM XVII.

Articulo de Missâ: Falso accusantur ecclesiæ nostræ, quod Missam aboleant: retinetur enim Missa apud nos, & summa reverentia

verentiā celebratur. Bellarminus adducit primū locū nonnulla ē Simalcaldicis articulis, quæ Missam abrogandam esse doceant. Et subjicit; si Missam dudum abrogandam esse dicitis, cur non abrogastis? aut si abrogastis, cur tām splendide mentimini? Objicit deinde sibi: Dicent fortassis, Pontificiam missam, hoc est, oblationem corporis & sanguinis Dominici pro vivis & mortuis à se abrogatam, Lutheranā autem, id est eucharistiæ distributionem retineri. At nō accusantur ecclesiæ vestræ (respondet) quod eucharistiæ distributionem aboleant, sed quod sacrificium ē medio tollant, quod omnibus seculis in ecclesiā fuit. Igitur si per Missam intelligitis cœnam dominicam, mendacium est quod accusemini: Si verò sacrificium, mendacium est quod falso accusemini.

Resp. Bellarminum Loioliticam suam impudentiam nobis hic egregiè ostendere, dum mendacium Confessoribus impingere audet, quod nec viderunt nec reprehenderunt ipse Rom. Imperator & reliqui Principes Papistici, quando Confutationem suam sic dictam articulo illi opposuerunt. Scilicet illos præ Bellarmini sagacitate habentes fuisse oportet!

Quanto rectius nos colligemus; Cum Pontificijs tempore exhibitæ Confessionis ex eā ipsā constaret, Protestantes per Missam intelligere distributionem Eucharistiæ, cumque illos publicè afferentes Missam (hoc utiq; quem innui modo intellexerat) à se non esse abolitam, tamen idcirco non reprehenderent, ipsis, Pontificijs, tum nondum infixam animis fuisse opinionem sacrificij illius propriè dicti in eucharistiā, quod Lojolæ discipuli post Concilium Tridentinum hodiè defensum eunt. Nempe in Concilio Tridentino primū apertè determinata hæc res est, ait ingenuè Guilielmus Alanus Papista, de Eucharist. Sacrificio,

ficio, Cap. x. Ad Bellarmini cornutum argumentum
dico, cornu alterutrum vitro fragilius esse. Omnipotens per
Missam intelligimus cœnæ domini distributionem, quan-
do dicimus eam apud nos non esse abolitam. Sed tu mendaci-
um est quod Missæ abolitæ accusati, sitis! Nos rursus men-
daciū est, nos ejus abolitæ non esse accusatos. Plus sanc-
tæ fidei merentur majores nostri, rerum tum temporis ge-
storum αὐτῆς οὐκ ἀντίποιοι, qui id asserunt, quam qui heretici
& nudius tertius ebulliit aliquis perficitæ frontis Iesuita-
ster, qui id neget. Simpliciter & indiscretè clamabant Papisti-
ci Iesicophantæ, Lutheranos abolere Missam, qua voce
auditâ, æquè imò magis intelligi poterat, Missâ illos verè
Christianam abolere, quam commentitium illud Papista-
rum sacrificium. Nota sunt verba Lutheri Praefat. artic.
Smalcald. Fuit VVitebergæ Doctor quidam ex Gallis missus,
qui nobis palam indicabat, Regi suo certo certius persuasum esse,
apud nos nullam esse ecclesiam, nullum magistratum, nullum con-
jugium, sed promiscuè omnes pecudum more vivere pro arbitrio.
Qui talia sine fronte de nobis mentiri non dubitarunt,
quomodo non addidissent, missam quoque apud nos o-
mnem esse abolitam?

MENDACIVM XIIIX.

Artic. eodem. Accessit opinio, quæ auxit privatas mis-
sas in infinitum, videlicet quod Christus suâ passione satisficerit
pro peccato originis, & instituerit Missam, in quâ fieret oblatio
pro quotidianis delictis, mortalibus & venialibus. Hinc man-
avit publica opinio, quod Missa sit opus delens peccata vivorum &
mortuorum ex opere operato. Multa sunt, succinit Bellarminus,
in his paucis verbis, vel absurdâ, vel mendacia, vel pugnantia
cum superioribus partibus hujus libri. Primum enim, quis ante
hoc tempus audivit, peccata mortalia vocari delicta
quotidiana? — deinde impudenti mendacio tribuitur Ca-

H 3

tholi-